

佐使、使也。宣命辭別云：「今明年波公家重久可慎給。」內仁世諺仁庚申、辛酉乃年波、天下不靜止。從古傳來利、因茲天、慎御座須間仁、種々仁其徵有利、如此之事乎。攘退介牢事波、大菩薩廣御惠厚御助乃爾美可依。奈利止同五年當年正月仰紀傳明經陰陽曆道等令勘申今年辛酉當革命否事、又被定改元事、奏年號字之丁未、左大臣以下諸卿參著仗座、被定申諸道勘申今年辛酉當革命否之由、二月二日次奏聞云。諸書先々載當革命之由、而此度諸道或申當之由、或申不當之由、爲之如何。仰云、年號字可用治安、又諸道所申各異也。辛酉事依可慎有改元之由可載詔書也。兼又依應和元年例可有免者、於革命者不可載者、則改寬仁五年爲治安元年。詔文云：歲當辛酉、古來之風可慎云々。令賑給同應和例、續日本紀淳仁二十二年天平寶字二年八月丁巳、勅大史奏云：案九宮經來年己亥當會三合。其經云：三合之歲、有水旱疾疫之災。如聞摩訶般若波羅密多者、是諸佛之母也。四句偈等受持讀誦得福德聚不可思量、是以天子念則兵革災害不入國裏、庶人念則疾疫厲鬼不入家中、斷惡獲祥莫過於此。宜告天下諸國、莫論男女老少、起步行口閉皆盡念誦摩訶般若波羅密、其文武百官人等向朝赴司、道路之上每日常念、勿空往來、庶使風雨隨時咸無水旱之厄、寒溫調氣悉免疾疫之災、普告遐邇知朕意焉。

〔通俗編藝術二十一〕三合 齊東野語淳熙中、孝宗及皇太子朝上皇于德壽宮、周益公詩、一丁扶火德、三合鞏皇基、蓋高宗生于丁亥、孝宗生于丁未、光宗生于丁卯故也。陰陽家以亥卯未爲三合用事、可謂切當、月令廣義、如子月逢子年或申辰年皆爲一氣、宜配申子辰日、謂之三合年月日。

〔三代實錄清和二十三〕貞觀十五年○癸二月廿三日戊午、陰陽寮言、今茲天行應慎稼穡不登、以歲當三合也。詔五畿內七道諸國、班幣境內名神并於國分及諸定額寺、限以三日、晝則轉經、夜則禮懺、薰修之間、禁斷殺生、國司講師齋潔、至誠祈佛神之冥助、消災疫於未然焉。

〔三代實錄清和十七〕貞觀十七年十一月十五日甲午、陰陽寮言、黃帝九宮經蕭吉九宮篇云、承天之道、因人之情、上占三元、下用五行三神相合、名曰三合。所謂三神者、大歲、害氣、太陰是也。今自上元己亥、至本